

Activs en plirs loghens

El center dall'emprema occurrenza «da cuminonza a Ruschein – la sera dils treis» dad uonn ein duas persunas giuvnas. *Cornelia Vinzens* da Ruschein ed *Andri Arpagaus* da Ladir. Tipic per els ei lur mobilitad. Els ein activs e creativs en plirs loghens. Ed els raquentan buca mo da lur occupaziuns professiunalas, mobein era da quei ch'ei schiglioc aunc impurtont e da valor per els en lur veta.

Las seras «da cuminonza a Ruschein», circa sis ad onn, dat ei dapi 2016. In dils fundaments per quellas sentupadas ei igl interess in per l'auter. Quei vul gir esser aviarts e vuler saver tgei ch'ils auters fan, seigi quei da professiun, el temps liber, en la veta insumma.

Cornelia Vinzens, l'autura dil cudisch «Nus savevan da nuot auter», viva a Barcelona. Mo la gronda part dils projects ch'ella realisescha sco collaboratura libra per ina firma a Basilea ein ordeifer la Spagna. Ell'ei architecta dad interiurs, fotografa e scenografa.

Andri Arpagaus, che fa dapi diesch onns musica cun la band da Glion «No Future» lavura treis gis ad jamna sco accumpignader el luvratori dall'Argo a



Cornelia Vinzens.

Cuera. E dus gis ad jamna eis el student da musica a Winterthur.

Ina dallas finamiras dallas seras «da cuminonza» ei da laschar vegnir a plaid era la generaziun giuvna, quella generaziun che viva ina tut altra veta che quella ch'ei documentada el cudisch da Vinzens. Ella vegn a raquintar tgei che co-working a Barcelona porta ad ella. Ed Ar-



Andri Arpagaus.

FOTOS MAD

pagaus vegn a tradir tgei ch'ei il pli tricky cura ch'ei va per metter ensem spelli-tschaders.

Maria Cadruvi

«Ina sera cun Cornelia Vinzens ed Andri Arpagaus», margis, ils 3 da mars 2020 allas 20.15 en casa da scola Crestas a Ruschein. Entrada gratuita. Beinvegnidas ein sco adina era persunas d'ordeifer. Suentar l'occurrenza vegn purschiu in aperitiv. Dapli sin www.dacuminonza.ch